

靈寶領教濟度金書卷之一百九十三 拱十二

洞微高士開光救苦真人賽金真校

靈寶通玄弘教水南先生林靈真編

科儀立成品七曜齋用

散壇儀

入壇如式

默禮師存念如法

宣衛靈呪

五星列照 煥明五方 水星却災 木德致昌

榮感消禍 太白辟兵 鎮星四據 家園利步

名列玉簡 字錄帝房 乘飈散景 飛騰太空

出入冥无 遊宴十方 五雲浮蓋 招神攝風

役使萬靈 上衛仙翁 與道合真

鳴法鼓二十四通

發爐

无上三天玄元始三炁太上老君召出臣等

身中三五功曹左右官使者左右捧香驛龍

騎吏侍香金童傳言散花玉女五帝直符直

日香官各三十六人出出者嚴裝顯服冠帶

垂纓關啓玄壇天帝神君當召此間土地方

域神真臣今建齋散壇行道謹奏為入憲其  
諸忱悃已錄告聞願得

太上十方至真道炁靈寶光下降流入臣

等身中令臣所啓速遠徑御

至真无極大道

三清上聖

昊天玉皇上帝御前

請稱法位

具位奉行二景五星七曜大齋法事臣某與

臨壇官衆等今故燒香願以是功德上為

天子王侯土地官長經籍度師及山林叢樓

學真道士同學之人九親門族天下人民螭

飛蠢動一切衆生今故燒香皈身皈神皈命

无上靈寶至真自然大道特丐康赦前生今

世宿罪重過得免離三惡之道五苦八難九

厄之中臣身得道真白日升天飛行虛空侍

衛道君逍遙无上金闕七寶自然宮殿永與

道合所啓玄感上御

至真无極道前

禮十方

坐懺

臣法衆等志心皈身皈神皈命

十方无極大道太上靈寶天尊以今行道散

齋朝真禮懺臣聞虛无妙炁貫經緯以流形

空洞靈章並陰陽而耀彩幸罄朝儀之盛載

彈野悃之嚴尤慮臣等識泯客塵身蒙世垢

龍墀奏對易書五帝之玄編鳳展頌宣武冒

四司之白簡恪希三省庸副一忱流四極之

御雲澤消妄弊散八紘之惠靈普暢真宗臣

等志心稽首禮謝

无上正真三寶

三啓

三禮

重稱職位

具位奉行七曜大齋法事小兆臣某與臨壇

官衆等謹重誠上啓

太上无極大道虛无自然元始天尊太上道

君太上老君无上玄元總監衆靈日月兩曜

皇君木火土金水五行星君諸天星宿璇璣

玉衡周天二十八宿三百六十五度河漢星

君中天大聖五老上聖玄中大法師三天大

聖師五帝四司十方三界玄虛應感一切真靈臣等宿植福基慶逢道運天葩璀璨幸窺枕寶之華地棘溟濛徒款窻陰之迅蚊負自慙於精進鵬搏敢覲於扶搖切切競辰兢兢待旦積勳報本期消既往之愆證善圖終庸近方來之祉凡有投告盍為闡聞具有詞文謹當敷露

宣詞

按如詞言備殫誠切臣等齋明練吉淪慮澄神崇飛梵之玄壇建虛无之丹陛惠徽淨侶恭輅靈光門列十華羅霓旌而容與壇敷七景列羽蓋以玲瓏香花扇而八素流明伶華奏而九陽振響神人允穆天地清寧符勝靈之希夷契感通之玄妙自今月某日為始奉為齋主某崇建某齋幾晝夜削除陰沴衍導陽和一家无厄難之侵九族有福禧之慶曲蒙善應獲就齋功魔試不干來蕃釐於紫極陽華永被襲純嘏於黃垓帝貺芳敷天休溥至以今王鯨韻冷金獸煙沉霄衢收清蹕之音輦路迴翠輶之駕諸天復位萬聖回真近

賞言功合玄班而編及升品進秩飛朱表以詳陳上詣清都恪祈靈蔭臣等鳩行奏對螭祀奉揚存念不周慮三元之校過威儀莫備懼十極之書愆重冀慈恩總希涵宥臣頓首稽首謹啓以聞

發願

存神燒香

香官使者左右龍虎君侍香諸靈官當令臣行道散齋之所自然生金液丹碧芝英百靈衆真交會在此香火爐前令臣等學道得道求仙得仙齋官蒙福幽顯沾恩十方仙童玉女接侍蘭煙傳臣向來所啓之誠速達徑御至真无極大道三清上聖昊天玉皇上帝御前

出堂頌 引至六幕

設醮儀

陞壇法事如式

各禮師存念如法

宣衛靈呪

金真綠霞 煥映三天 飛雲丹霄 諸天控輶 晨輝啓旦 陰翳俱捐 九微震空 五星迴旋 萬仙應感 自然妙玄 杳冥散景 分形億千 黍珠光輝 瑞降壇乾 生死蒙惠 確煉金泉 魔王恐懼 合景三田 和與道合真

鳴法鼓二十四通

无上三天玄元始三炁太上道君太上老君 召出臣等身中三五功曹左右官使者左右 捧香驛龍騎吏侍香金童傳言散花玉女五 帝直符直日香官各三十六人出出者嚴裝 顯服冠帶垂纓開啓玄壇土地方域神真臣 今燒香設醮行道謹奏為入志其諸忱悃已 錄告聞願得 太上十方至真道炁靈寶瑞光下降流入臣 等身中今臣所啓速達徑御 至真无極大道 三清上聖 昊天玉皇上帝御前

請稱法位

具位奉行七曜大齋法事小兆臣某與臨壇

具位奉行七曜大齋法事小兆臣某與臨壇

官衆等謹同誠上啓

太上無極大道虛元自然元始天尊太上大道君太上老君无上玄元總監衆靈日宮太陽太丹炎光上眞道君月宮太陰黃華素曜上眞道君東方木德重華上眞道君南方火德榮感上眞道君西方金德太白上眞道君北方水德伺宸上眞道君中央土德地侯上眞道君諸天星宿璇璣玉衡周天二十八宿三百六十五度河漢星君星中大聖五老上眞玄中大法師三天大聖師五帝四司十方三界玄虛應感一切眞靈臣聞道判陰陽碧落煥三辰之耀象開經緯青冥流五炁之符分黃道以昭回贊紫樞而化育十華朗照垂玄紀之災祥八極通明燦朱綱之機青皆統御於清微眞宰悉裁成於紫極高尊陶治无私權衡有賴今醮官其文依道日獲際眞風潔已修齋幸告成於芝陸敷心飯美宜飲至於芳筵庸淪頽儀聊陳葵志伏願珠幢玉葆來輦路以飄颻翠蹕金旌下霄衢而容與萬天翊乘十地拱轅極青鸞紫鳳以徘徊會白鶴

蒼虬而混合不遺德悃俱會道場臣元任激切望恩之至謹稽首再拜奏請

請聖

三界衆眞離筵列聖適伸拜請諒沐光臨請各整於仙班共祇迎於帝馭

降九位

鸞輿至止鶴駕臨軒與眞衆眞如儀朝禮朝禮既周請陞醮席醮官上香設拜

初進酒

重稱法位

具位臣某重誠上啓

三清上聖七御玄尊斗府高眞萬天上帝日月星宿省府曹僚地水岳清城隍社令醮筵內外一切眞靈臣聞一元肇運凝祖炁於虛无萬象開圖散靈光於妙有璀璨煥麗天之瑞陸離呈燭地之祥七政分躔典策瀛之休咎四餘紀度職黎庶之吉凶鑒觀雖本於上穹感召實繫於下土赤松表戴青羅彰靈惟作善以神交斯致和而炁應臣等夙參鳳籙幸佩鸞圖弘道憲天誓垂丹青之信承符宣

德宜堅金石之忱凡有皈投敢忘敷奏既奉詞旨所盍關行

宣詞

按如詞旨備切忱恂齋主未列宿願神一星孕炁荷高厚之覆載感居諸之照臨動涉百非吉慶未融於德履靜忘十善機祥莫印於福襟况次舍有進退之分而躔離多隱伏之異天時易變人事難常非齋戒以顯天曷優游而玩地爰崇芝陸肅輅連臺華芒流九有之輝光浮御聖彩煥十華之耀聲洪鸞和徽黼座以傾光羅旌旄而取景金華燁燁玉籟玲瓏修二景五星之齋祈萬聖千眞之降曲蒙善應誕錫著釐禮懋三朝厄遂瓊音而風散誠通一念恩隨瓊韻以雲臻由中莫報於珠環事上願陳於瑤玖若專若竿于豆于登香稷非馨僭寓粟熟之敬蘋蘩可薦庸靡綿絕之儀伏願淵默時啟高明日鑒璇敷耀玉隨梵唱以流明瓊醴流金間步虛而朗徹不避再三之瀆爰旌萬一之忱臣不勝惶懼之至謹陳亞獻

亞獻酒

具位臣某與臨壇官眾等謹重誠上啓

三清上聖七御玄尊斗極高真萬天上帝日月星宿省府曹僚地水嶽瀆城隍社令醮建內外一切真靈臣聞惟天為大昭昭而成象无私謂人最靈林林而流形有赫仰稽乾度俯乾坤靈降祥降殃固本下愚之索篇稽善積惡實由上聖之權衡臣等潔已瞻天飭身事帝借盈尺地既綴武以敷陳露方寸天更承顏而獻納先願醮官某五靈孕粹三極儲精出入起居沐圓穹之臨相行住坐卧藉方厚之臣扶身命无的劫刑刃之臨運限有祿馬貴官之守大羅計宇遠離疆隔木炁水金近躔分野輅簾擺之喜氣融院宇之懽聲三百六旬永宴熙朝之日月七十二候常陶感世之春秋福鄉融夏屋之和壽域慶春臺之永金花潤曉漱玉液以怡神玉樹酣春灌金津而御蕊芝蘭茂悅椿桂高華舉棗香眉有宜室宜家之慶扶床坐膝極學詩學禮之榮溥桑梓以生春蔭松蘿而不夜次願臣等天

光委照地障永除融離坎以神交偃月胤虛元之室會軋坤而烝結迴風全妙有之英侍

御座以凝真綴駕班而侍聖格存俯仰東諸早列於學真體備威儀西閔疾班於領教勿鼓三官之筆無登五帝之編與道合真後天難老加拜鴻<sup>十二</sup>泥之澤允昭蟻蟻之忱上願乾坤清寧璇璣煥耀風雨霜露垂潤澤之玄功日月星辰普照臨之清景天休溢至地瑞咸臻五穀順成燦來儀之休徵百昌茂育彰率舞之嘉猷園扉多青草之陰方域息綠林之警臣不勝懽切之至上香禮行終獻

宣疏

臣謹重誠上啓

三清上聖七御玄尊斗極高真萬天上帝日月星宿本命元辰醮建真宰一切威靈臣聞誠天之道既殫昭事之儀禮人之防幸馨獻酬之典戴恩罔極感德深深月淡河澄將返霓旌於雲漢參橫斗轉徒瞻羽葆於霄虛朱鳳旁旋玄龍下邁臣等无從控挽惟劇瞻馳下情不勝攀戀屏營之至謹稽首再拜奉送

雲耕

回耕頌

復爐

靈寶領教濟度金書卷之一百九十三